



შირაქი

SHIRAKI

www.open.ge

გამოდის 1937 წლიდან

დადოვლისწყაროს მუნიციპალიტეტის გაზეთი

№9 (9.723)

12-19 მარტი 2016 წელი

ფასი: 50 თეთრი

ყოველკვირეული გამოცემა

ივანე კეზუას პერსონალური გამოფენა



გვ. 8



გვ. 3

„მოსახლეობამ სწორი აქცენტები გააკეთა“...

ნიკოლოზ ჯანიაშვილი: „სოფლის კრებები თხუთმეტივე ადმინისტრაციულ ერთეულში ჩავატარეთ. ბოლო შეხვედრა სოფელ სამრეკლოში გაიმართა და უნდა ითქვას, რომ საბოლოო ჯამში კმაყოფილი ვარ. მოსახლეობამ სწორი აქცენტები გააკეთა და ეფექტურად განკარგა ის თანხა, რაც თითოეული სოფლისთვისაა გათვალისწინებული. ამ თანხებს ასევე ადგილობრივი დაფინანსებაც დაემატება, რადგან, ზოგჯერ წინასწარ გათვალისწინებული თანხები საკმარისი არ არის“...

ზვიად ჯავახიშვილი: „ჩვენი ხელისუფლების პირობებში სოფლის მხარდაჭერის პროგრამით არაერთი პროექტი განხორციელდა: გარემონტდა საბავშვო ბაღები, კეთილმოეწყო სკვერები, შიდა გზები, სპორტული მოედნები და ა.შ. აღსანიშნავია, რომ პროგრამით განსაზღვრული მიმართულებებისა და ადგილობრივი საჭიროებების განსაზღვრა მოსახლეობის უშუალო მონაწილეობით ხდება“...

მე პარ ქალი და, მაშასადამე, პარ დისკრიმინირებული

გვ. 5

ქლიერი ქალი ქლიერი ქვეყნის სანიღარია

გვ. 3



გვ. 5



სოფიოს ბლოგი

„წითური ბენერალი“ პანკისიდან კვლავ ცოცხალია?!

გვ. 7

რა ელთი ევროკავშირის ქვეყნებში



არაღებულურად მცხოვრებ ქართველებს უვიზო რეჟიმის პირობებში

გვ. 6

კვირიკაშვილი გაფრინდაშვილს მოუწოდებს, თსუ-ს არჩევნიდან მოხსნას კანდიდატურა



საქართველოს პრემიერ-მინისტრი, გიორგი კვირიკაშვილი საგანგებო განცხადებით გამოეხმაურა თბილისის სახელმწიფო უნივერსიტეტში მიმდინარე მოვლენებს და უნივერსიტეტის კანცლერის პოსტზე წარდგენილ გიორგი გაფრინდაშვილს მოუწოდა, არჩევნიდან მოხსნას კანდიდატურა „ახალგაზრდებს შორის რაიმე სახის დაპირისპირების თავიდან ასაცილებლად“. კვირიკაშვილი წერს, რომ ხელისუფლება პრიორიტეტულად მიიჩნევს უმაღლეს სასწავლებლებში მმართველობის პროცესის დამოუკიდებლობის უზრუნველყოფას. „გამომდინარე იქიდან, რომ ამ ესკალაციის ფონზე გაჩნდა გარკვეული ეჭვები ხელისუფლების მხრიდან პროცესში ჩარევის კუთხით, მინდა ვთხოვო თბილისის სახელმწიფო უნივერსიტეტის რექტორს, ბატონ ვლადიმერ პაპავას, მაქსიმალურად უზრუნველყოს პროცესის დამოუკიდებლობა და არჩევნების პროცესის გამჭვირვალობა; ასევე, მინდა ვთხოვო საბჭოს წევრებს, რომლებიც მხარს უჭერენ გიორგი გაფრინდაშვილის კანდიდატურას და თავად გიორგი გაფრინდაშვილს, გაითვალისწინოს არსებული სიტუაცია და, ახალგაზრდებს შორის რაიმე სახის დაპირისპირების თავიდან ასაცილებლად, საკუთარი კანდიდატურა არჩევნიდან მოხსნას“ - ვკითხულობთ პრემიერ-მინისტრის განცხადებაში. თბილისის სახელმწიფო უნივერსიტეტში გრძელდება სტუდენტთა საპროტესტო გამოსვლები. მათი მოთხოვნები უცვლელია - მოიხსნას კანცლერის პოზიციაზე გიორგი გაფრინდაშვილის კანდიდატურა, დაიწყოს გამოძიება უნივერსიტეტში ე.წ. „ოდეერის“ ინსტიტუტის არსებობის შესახებ, მოხდეს კანცლერის არჩევის სისტემის რეფორმირება, შეწყდეს თვითმმართველობის პრივილეგიების წახალისება ადმინისტრაციისა და რექტორატის მხრიდან.

პრემიერმა ძალოვანი უწყებების ხელმძღვანელებს პირადი ცხოვრების ამსახველი ვიდეომასალის გავრცელების ფაქტის დაუყოვნებლივ გამოძიება დაავალა

საქართველოს პრემიერ-მინისტრმა გიორგი კვირიკაშვილმა სოციალურ ქსელში რამდენიმე საათის წინ გავრცელებულ პირადი ცხოვრების ამსახველ მასალასთან დაკავშირებით ძალოვანი უწყებების ხელმძღვანელობასთან საგანგებო თათბირი გამართა. ინფორმაციას აღნიშნული შეხვედრის შესახებ მთავრობის ადმინისტრაცია ავრცელებს. „საქართველოს პრემიერ-მინისტრმა გიორგი კვირიკაშვილმა სოციალურ ქსელში რამდენიმე საათის წინ გავრცელებულ პირადი ცხოვრების ამსახველ მასალასთან დაკავშირებით ძალოვანი უწყებების პირველი პირები შეკრიბა და მათ მომხდარის დაუყოვნებლივ გამოძიების დაავალა. პირადი ცხოვრების ამსახველი ინფორმაციის უკანონოდ გავრცელების ფაქტზე მთავარმა პროკურატურამ გამოძიება უკვე დაიწყო. პრემიერ-მინისტრთან შეხვედრას საქართველოს მთავარი პროკურორი ირაკლი შოთაძე, შინაგან საქმეთა მინისტრი გიორგი მღვინეიშვილი და სახელმწიფო უსაფრთხოების სამსახურის ხელმძღვანელი ვახტანგ გომელაური დაესწრნენ“, - აცხადებენ მთავრობის ადმინისტრაციისგან.

დიმიტრი ქუმსიშვილი - მოძაველ წელს ჩვენი ზოხიციები გაცილებით უკეთესი იქნება

საქართველოს ვიცე-პრემიერმა, ეკონომიკისა და მდგრადი განვითარების მინისტრმა დიმიტრი ქუმსიშვილმა, ამერიკის შეერთებულ შტატებში ვიზიტის ფარგლებში, მონაწილეობა მიიღო მრგვალ მაგიდაში, რომელსაც Heritage Foundation-ის ხელმძღვანელი პირები და ამავე ორგანიზაციის მნიშვნელოვანი პერიოდული გამოცემის Economic Freedom Index-ის მთავარი ექსპერტები დაესწრნენ. როგორც ეკონომიკის სამინისტროში განაცხადეს, შეხვედრაზე დიმიტრი ქუმსიშვილმა ვრცლად ისაუბრა საქართველოს ეკონომიკაში განხორციელებულ რეფორმებზე, მათ შორის, იმ გადაწყვეტილებებზე, რომ ბიზნესი საქართველოში კიდევ უფრო თავისუფალი იყოს და კიდევ უფრო მეტი შესაძლებლობა ჰქონდეს ბიზნესს განვითარებისთვის. „შეხვედრა იყო ძალიან კონსტრუქციული, მონაწილეების მხრიდან ძალიან საინტერესო კითხვები იყო დასმული. ვიმედოვნებთ, რომ მოძაველ წელს ჩვენი პოზიციები ეკონომიკის თავისუფლების მიმართულებით გაცილებით უკეთესი იქნება“, - განაცხადა დიმიტრი ქუმსიშვილმა. შეხვედრაზე ვიცე-პრემიერმა ხაზი გაუსვა აშშ-ის დახმარების მნიშვნელობას რეფორმების წარმატებით განხორციელების საქმეში. დიმიტრი ქუმსიშვილმა ასევე, აქცენტი გააკეთა ევროკავშირთან დაახლოების პროცესზე და იმ გადაწყვეტილებებზე, რომელსაც საქართველო ამ მიმართულებით იღებს. ვიცე-პრემიერთან შეხვედრაზე ფონდის ხელმძღვანელობამ ხაზი გაუსვა იმ წარმატებას, რომელსაც საქართველოს მთავრობამ მიაღწია ბოლო წლებში ეკონომიკური რეფორმების გატარების კუთხით. ამავედროულად, მათ დაადასტურეს მხარდაჭერა ყველა იმ ინიციატივის მიმართ, რომელთა მიზანსაც ქვეყნის კიდევ უფრო მეტად განვითარება წარმოადგენს. „ვიცე-პრემიერთან შეხვედრაზე იმ შესანიშნავ პროგრესზე ვისაუბრეთ, რომელსაც საქართველომ ეკონომიკური და სოციალური კუთხით მიაღწია. ეკონომიკური თავისუფლების ინდექსის კუთხით საქართველოს ძალიან კარგი კურსი აქვს ადებული. თქვენ ხართ მსოფლიოში ეკონომიკური თავისუფლების ინდექსის კუთხით 23-ე ადგილზე. ბოლო ათწლეულების მანძილზე საქართველომ საგრძობლად გაიუმჯობესა პოზიციები ანგარიშებში. ძალიან მნიშვნელოვანი იყო, ის რაც დღეს აქ მოვისმინეთ. გაცილებით დიდია პროგრესი თავისუფალი სავაჭრო შეთანხმებების კუთხით“, - განაცხადა ვაჭრობისა და ეკონომიკის ცენტრის დირექტორმა, ელჩმა ტერი მელერმა. „მინისტრთან შეხვედრა იყო ძალიან კონსტრუქციული. ჩვენ ვისაუბრეთ იმის შესახებ, თუ რა შეიძლება ორივე ქვეყანამ - შეერთებულმა შტატებმა და საქართველომ ერთმანეთისთვის ორმხრივად სასარგებლოდ გააკეთოს. ხაზი მინდა გავუსვა ეკონომიკური თავისუფლების ყოველწლიურ ინდექსს, სადაც საქართველომ შთამბეჭდავ პროგრესს მიაღწია. ველოდებით, რომ საქართველო ამ კუთხით კიდევ უფრო გაიუმჯობესებს პოზიციებს. ჩვენ ღრმად გვნაძრავს ღია სავაჭრის მნიშვნელობის. საქართველომ ძალიან ბევრი გააკეთა სავაჭრო ბარიერების შემცირების კუთხით, რათა უფრო გახსნილი ყოფილიყო ვაჭრობისა და ინვესტიციებისთვის. ეს არის ის პოლიტიკა, რომელიც ჩემი აზრით, საქართველოსგან სხვა ქვეყნებმა უნდა ისწავლონ. ვიცე-პრემიერმა ახსენა რამდენიმე ეკონომიკური ინიციატივა. ჩემზე შთაბეჭდილება მოახდინა იმ ასოციაციების შეთანხმებამ ვაჭრობის კუთხით, რომელიც საქართველოს ევროპასთან გააჩნია. ასევე, თავისუფალი ვაჭრობის შესახებ მოლაპარაკებები ჩინეთთან, რომელსაც საქართველო ამჟამად აწარმოებს“, - განაცხადა ვაჭრობისა და ეკონომიკის ცენტრის ანალიტიკოსმა ენტონი კიმმა. Heritage Foundation “ეკონომიკური თავისუფლების ინდექსი” 2016-ის მიხედვით, საქართველო მსოფლიოს 178 ქვეყანას შორის 23-ე პოზიციაზეა კვლავ “უმეტესად თავისუფალი” სტატუსით. 2015 წელს, საქართველო 22-ე ადგილს იკავებდა 73 ქულით. 2016 წლის შეფასებით, საქართველო, ევროპის რეგიონში 43 ქვეყანას შორის მე-12 ადგილს იკავებს. საქართველო უსწრებს შემდეგ ქვეყნებს, როგორც: ფინეთი, შვედეთი, სამხრეთ კორეა, ავსტრალია, ისრაელი, ლატვია, პოლონეთი, ესპანეთი, ბელგია, მაკედონია, სომხეთი, სლოვაკეთი, ბულგარეთი, თურქეთი, იტალია, აზერბაიჯანი, რუსეთი და სხვა. 2016 წლის ეკონომიკური თავისუფლების ინდექსში საქართველოს 2 კომპონენტში წამყვანი პოზიციები უკავია, კერძოდ: ვაჭრობის თავისუფლების კომპონენტში, 178 ქვეყანას შორის პირველ ათეულშია და მე-7 ადგილს იკავებს, ხოლო ბიზნესის თავისუფლების კომპონენტში მე-14 ადგილი უკავია.

სტუმრად სათნოების სახლში



10 მარტს, დედოფლისწყაროს მუნიციპალიტეტის კულტურისა და ძეგლთა დაცვის ცენტრთან არსებული ბავშვთა ხელოვნების სტუდია „არლუკინოს“ პატარა მსახიობები (ხელმძღვანელი ნინო ლოლაშვილი), სტუმრად იმყოფებოდნენ სათნოების სახლში და ულამაზესი ღონისძიებით მოხუც ქალბატონებს, მიულოცეს გაზაფხულის მოსვლა და მარტის დღესასწაულები. ღონისძიებას ესწრებოდნენ მუნიციპალიტეტის გამგებობისა და, კულტურისა და ძეგლთა დაცვის ცენტრის თანამშრომლები, საკრებულოს მაჟორიტარი დეპუტატი მიხეილ ბახუტაშვილი. დასასრულს, კულტურისა და ძეგლთა დაცვის ცენტრის დირექტორმა ნონა ჯიბლაშვილმა, მიულოცა მოხუცებს გაზაფხულის მოსვლა და ქალთა დღესასწაულები. მადლობა გადაუხადა სტუმრებს მობრძანებისათვის, მონაწილე ბავშვებს და მათ ხელმძღვანელს ნინო ლოლაშვილს კი, მშვენიერი ღონისძიების ჩატარებისათვის, რომლებმაც ერთი ღამე იღეს აჩუქეს მოხუცებს. ფოლკლორული ანსამბლი „განთიადი“ 1 მარტს სოფელ ოზანის ადმინისტრაციულ შენობაში გაიმართა ღონისძიება, რომელიც მიეძღვნა ქალთა დღესასწაულს. ამ დღეს, მანანის ზონის ფოლკლორული ანსამბლი „განთიადი“ (ხელმძღვანელი ლევან ხუნდაშვილი) პირველად წარსდგა დამსწრე საზოგადოების წინაშე. აღსანიშნავია ის ფაქტი, რომ ანსამბლის ყველა წევრი არის კულტურისა და ძეგლთა დაცვის ცენტრის თანამშრომელი. მათ სულ რაღაც თვეწახვევარში, დადეს შესანიშნავი შედეგი. და სასიამოვნო საღამო აჩუქეს დამსწრე საზოგადოებას. ღონისძიებას ესწრებოდნენ მუნიციპალიტეტის გამგებობის განათლების, კულტურის, სპორტისა და ახალგაზრდობის საქმეთა სამსახურის უფროსი თამარ თამაზაშვილი, ნანული ნატროშვილი, კულტურისა და ძეგლთა დაცვის ცენტრის თანამშრომლები, გამგებლის წარმომადგენელი სოფელ ოზანში. დასასრულს, მუნიციპალიტეტის კულტურისა და ძეგლთა დაცვის ცენტრის დირექტორმა ნონა ჯიბლაშვილმა მადლობა გადაუხადა ანსამბლის წევრებსა და მათ ხელმძღვანელს ლევან ხუნდაშვილს დაუღალავი და აქტიური მუშაობისათვის, მომავალი წარმატებები უსურვა მათ, დამსწრე საზოგადოებას მიულოცა გაზაფხულის პირველი დღე, ქალბატონებს-მარტის დღესასწაულები და გადასცა მათ იების პატარა თაიგულები. მიგრანტთა კრიზისი აქტუალურია გერმანიის კანცლერის ანგელა მერკელის განცხადებით, ევროპულმა სახელმწიფოებმა მიგრანტებისთვის ე.წ. „ბალკანეთის მარშრუტის“ გადაკეტვაზე ცალმხრივი გადაწყვეტილება მიიღეს. როგორც „ზიბისი“ იტყობინება, ამის შესახებ გერმანიის კანცლერმა რადოი „MDR“-სთან საუბარში განაცხადა. მისი თქმით, ამ გადაწყვეტილების გამო საბერძნეთი რთულ ვითარებაში აღმოჩნდა, ხოლო მარშრუტის გადაკეტვა მიგრაციული კრიზისის პრობლემას ვერ მოაგვარებს. „პირადად მე მიმაჩნია, რომ ავსტრიის ცალმხრივი გადაწყვეტილება და შედეგი, ბალკანეთის ქვეყნების ქმედებები, გამოიწვევს მიგრანტთა ნაკადის შემცირებას ჩვენთან, მაგრამ ამავედროულად ძალიან რთულ მდგომარეობაში ჩააყენებს საბერძნეთს“, - განაცხადა მერკელმა და იქვე დასძინა, რომ მიგრანტების საკითხზე თურქეთთან შეთანხმების მიღწევა აუცილებელია. გასულ თვეს ავსტრიამ განაცხადა, რომ დღემდე გერმანიაში მიმავალ მხოლოდ 3 200 მიგრანტს გაატარებს. ამის შემდეგ სლოვენია, ხორვატია, სერბეთი და მაკედონია მიგრანტების მიღებასა და თავშესაფრის გაცემაზე შეზღუდვები დაანესეს. გარდა ამისა, უნგრეთის ხელისუფლებამ საზღვრებზე პოლიციელებისა და სამხედროების რაოდენობა გაზარდა. 7 მარტს ბრიუსელში ევროკავშირის ქვეყნებისა და თურქეთის სამიტი გაიმართა, რა დროსაც მხარეებმა გარკვეულ შეთანხმებას მიაღწიეს და განაცხადეს, რომ ამიერიდან ბალკანეთის მარშრუტი, რომლის გავლითაც მიგრანტები დასავლეთ ევროპაში ჩადიოდნენ, დაიხურა. ამას ბერლინის პროტესტი მოჰყვა: როგორც გერმანიის კანცლერმა განაცხადა, საჭიროა ისეთი გადაწყვეტილების მოძებნა, რომელიც ევროკავშირის 28-ვე წევრ სახელმწიფოს დააკმაყოფილებს.

„მოსახლეობამ სწორი აქცენტები გააკეთა“ ...

„სოფლის მხარდაჭერის პროგრამის“ განხორციელება იწყება. პროგრამის პირველ ეტაპს იმ პრიორიტეტული საკითხების განსაზღვრა წარმოადგენს, რომლებიც პროგრამის ფარგლებში უნდა მოგვარდეს. დედოფლისწყაროში, მთელი მუნიციპალიტეტის ტერიტორიაზე სოფლის საერთო კრებები ჩატარდა, სადაც ადგილობრივმა მოსახლეობამ მიიღო მონაწილეობა. ისინი წლების განმავლობაში მიიჩვივნენ, რომ ადგილობრივი ხელი-სუფლების წარმომადგენლებთან თავად უნდა დასახელონ ის პრობლემები, რომელთა გადაჭრაც მათი სოფლისა თუ ქალაქისთვის სასიცოცხლოდ მნიშვნელოვანია. დასახელებული საკითხებიდან კი ყველაზე პრიორიტეტულად ერთი მათგანი გამოყოფილი. ასეთი პოლიტიკის წყალობით დედოფლისწყაროს მუნიციპალიტეტს ბევრი პრობლემა მოუგვარდა.

„სოფლის მხარდაჭერის პროგრამის“ ფარგლებში წელს დედოფლისწყაროს მუნიციპალიტეტისათვის სახელმწიფო ბიუჯეტიდან 418 215 ლარი გამოიყო. ამ პროექტის განხორ-

ციელებისას ადგილობრივი ბიუჯეტიც შევა თანადაფინანსებით.

როგორ ჩაირა მოსახლეობასთან შეხვედრებმა? - შეფასება ვთხოვეთ მუნიციპალიტეტის პირველ პირებს:

ნიკოლოზ ჯანიშვილი (დედოფლისწყაროს მუნიციპალიტეტის გამგებელი): „სოფლის კრებები თხუთმეტეფ ადმინისტრაციულ ერთეულში ჩავატარეთ. ბოლო შეხვედრა სოფელ სამრეკლოში გაიმართა და უნდა ითქვას, რომ საბოლოო ჯამში კმაყოფილი ვარ. მოსახლეობამ სწორი აქცენტები გააკეთა და ეფექტურად განკარგა ის თანხა, რაც თითოეული სოფლისთვისაა გათვალისწინებული. ამ თანხებს ასევე ადგილობრივი დაფინანსებაც დაემატება, რადგან, ზოგჯერ წინასწარ გათვალისწინებული თანხები საკმარისი არ არის და ვცდილობთ, ადგილობრივი ბიუჯეტიდან დავეხმაროთ, რომ მოსახლეობის სურვილებს ხორცშესხმა არ შეფერხდეს. ამას გარდა, წელს ორი მილიონ ლარზე მეტი რეგიონული განვითარების ფონდიდან იხარჯება ჩვენს მუნიციპალიტეტში. ასევე, ცალკეული

სამინისტროები თავიანთ დარგებში სხვადასხვა პროექტებს ახორციელებენ. რაც შეეხება მთლიანობაში, სოფლის კრებებზე რა საკითხები იყო ადგილობრივებისთვის პრიორიტეტული, მოვახსენებთ, რომ სხვადასხვა სოფელში სხვადასხვა პრობლემა იჩენს თავს. იცით, რომ გასულ წლებში ქედების ზონაში წყალმომარაგების საკითხებზე სოლიდური ფინანსები დაიხარჯა, შედეგად, წყლის პრობლემა მოიხსნა, სწორედ ამიტომაც წელს სოფლის კრებებზე უკვე სხვა საკითხები წამოჭრეს. მაგალითად, დაისვა გარე განათების საკითხები, სასაფლაოების, მემორიალების კეთილმოწყობის საკითხები, სპორტული მოედნების და ინფრასტრუქტურის მოწყობა. ბევრ სოფელში, უზნებებს უმრავლესობაში, გარეგანათება მოწესრიგებულია, თუმცა, ითხოვენ დარჩენილი უზნების განათებას, ზოგიერთი უზნის გზის მოხრეშვას. სოფლის პროგრამის დასრულების შემდეგ, წლის ბოლოს, დედოფლისწყაროს სოფლები ერთ-ერთი ყველაზე განათებული იქნება და ეს პრობლემა დღის წესრიგში აღარ იქნება“.



ზვიად ჯანიშვილი: (დედოფლისწყაროს მუნიციპალიტეტის საკრებულოს თავმჯდომარე) ჩვენი ხელისუფლების პირობებში სოფლის მხარდაჭერის პროგრამით არაერთი პროექტი განხორციელდა: გარემონტდა საბავშვო ბაღები, კეთილმოეწყო სკვერები, შიდა გზები, სპორტული მოედნები და ა.შ. აღსანიშნავია, რომ პროგრამით განსაზღვრული მიმართულებებისა და ადგილობრივი საჭიროებების განსაზღვრა მოსახლეობის უშუალო მონაწილეობით ხდება, რაც თვითმმართველობის განხორციელებაში მოქალაქეების ჩართულობას და მოსახლეობისა და თვითმმართველობის ორგანოებს შორის ურთიერთობების განმტკიცებას უწყობს ხელს. სოფლებში ინფრასტრუქტურული პროექტების განსახორციელებლად საქართველოს მთავრობამ დედოფლისწყაროს მუნიციპალიტეტისთვის წელს 418.2015 ლარი გამოიყო. ჩვენი მიზანია, მოსახლეობის წება კეთილსინდისიერად შევასრულოთ და მათ მიერ არჩეული პროექტების ხარისხიანად შესრულება უზრუნველყოთ, რაც, დამერსმუნეთ, ასეც იქნება.

სამოქალაქო საზოგადოების როლი პრობლემების მოგვარებაში

ქლიერი ქალი ქლიერი ქვეყნის სანინდარია

დედოფლისწყაროს მუნიციპალიტეტის გამგებლის ინიციატივით და კავკასიის გარემოსდაცვითი არასამთავრობო ორგანიზაციების ქსელის (CENN) დაფინანსებით, პროექტის „ეკომიგრაცია-დიალოგი და თანამშრომლობა სამხრეთ კავკასიის ქვეყნებში სისტემური რეფორმისა და ცხოვრების

პრობლემები და ბავშვებს საჩუქრად სპორტული ფეხსაცმელები გადასცა. ეკო-ბანაკის მონაწილეებს სამახსოვრო ზურგჩანთები, კომპასები, გლობუსი და სხვადასხვა საჭირო ნივთები გადასცა CENN-ის აღმასრულებელმა დირექტორმა ნანა ჯანიშვიამ.

ამ დღეებში ბულაჩაურში ჩა-

მიგრანტის განმარტება და განსაზღვრულია გარკვეული გარანტიები იმ პირობებისთვის, რომლებსაც შეუძლიათ ეკომიგრანტის სტატუსის მიღება. საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო წარმოადგენს კომპეტენტურ უწყებას, რომელიც ახორციელებს აღმასრულებელ ხელისუფლებას მიგრაციის რეგულირების, მუდმივი და დროებითი ალტერნატივების უზრუნველყოფას, ასევე, ბუნებრივი კატასტროფების შედეგად დაზარალებული პირების ადაპტაცია/ინტეგრაციის ხელშეწყობისა და სოციალური დაცვის სფეროში. 2013 წელს შეიქმნა „სტიქიური მოვლენების შედეგად დაზარალებული და გადაადგილებული დაქვემდებარებული ოჯახების განსახლების კოორდინაციის და მართვის ცენტრი“ (მინისტრის ბრძანება N 779). 2014 წელს კი სამინისტროში შეიქმნა ეკომიგრანტთა დეპარტამენტი (მინისტრის ბრძანება N 1206), რომელიც დაკომპლექტდა 12 თანამშრომლით და უკვე მეორე წელია, ზრუნავს სტიქიური მოვლენების შედეგად იძულებით გადაადგილებულ პირთა პრობლემებზე. ბრძანება N 779 აყალიბებს ეკომიგრანტების ალტერნატიული საცხოვრებელი უზრუნველყოფის ინსტიტუციურ და სამართლებრივ ჩარჩოებს, თუმცა, სახსრების სიმცირის გამო 2014 წელს ალტერნატიული საცხოვრებელი დაკმაყოფილდა 33 ოჯახი. 2015 წლისთვის ეკომიგრანტებისთვის სახლების შესაძენად გამოყოფილი ფინანსური რესურსები სამჯერ გაიზარდა. ეს არის ეტაპობრივი პროცესი და დაზარალების კატეგორიების შესაბამისად, ხდება ბენეფიციარების დაკმაყოფილება. უნდა აღინიშნოს,

რომ 2016 წლიდან, ერთეული ბინის შესაძენი თანხა 20 000 ლარიდან გაიზარდა 25 000 ლარამდე, თანაც ეკომიგრანტი თავად ირჩევს საცხოვრებელ ადგილს და ბინას განსახლებისთვის, ეს არის საკითხისადმი უფრო ლიბერალური მიდგომა ახლ გამოორცილებული იძულებითი განსახლების მომენტი.

ამ პროექტით დაწყებული საქმიანობის ერთგვარ გაგრძელებად შეიძლება იქნეს აღქმული პროექტი „ეკომიგრანტი და პოტენციური ეკომიგრანტი ოჯახების ადვოკატორების კამპანია“, რომელსაც, ასევე, ევროკავშირის დაფინანსებით, ახორციელებს ევროპის ფონდი დემოკრატიის ინსტიტუტთან და ახალგაზრდა მეცნიერთა კავშირ „ინტელექტთან“ ერთად. მათ მიერ მომზადებული საბაზისო კვლევის ანგარიში წარმოდგენილი იქნა 25 თებერვალს სასტუმრო „რედისონში“ გამართულ პრეზენტაციაზე.

ეკომიგრანტების საარსებო გარემოს გაუმჯობესებას ემსახურება საერთაშორისო არასამთავრობო ორგანიზაცია „CIDA“-მიერ

მონაცემები. ასევე, გათვალისწინებულია სამიზნე რეგონებში მცხოვრები ეკომიგრანტი ქალებისთვის მცირე საგრანტო კონკურსი 1000 ევროიანი დაფინანსებები მცირე ბიზნესის განვითარების კომპონენტით. სამთავროდან პირველ ეტაპზე უკვე წარადგინა განაცხადი რვა აქტმა. როგორც პროექტის კოორდინატორმა შორენა კოჭლამაზაშვილმა გვითხრა, მარტში, კვლავ გაიმართება შეხვედრა სამთავროს ეკომიგრანტ ქალებთან, კონკურსის მეორე ეტაპში მონაწილეობის მისაღებად.

საუკეთესო იდეის მიხედვით შერჩეული ქალბატონები გაივლიან ტრენინგს ბიზნეს-გეგმის წერაში და დაფინანსების შემთხვევაში, განვითარებენ საკუთარ ბიზნესს.

გვირდა წარმატებები ვუსურვოთ ამ აქტიური ქალბატონებს, მათთან ერთად კი ყველა ქალს მივულოცოთ დედის დღე და 8 მარტი, ქალებს ხომ ბევრი გაკეთება ძალუძთ, სწორედ მათ სიძლიერეზე დამოკიდებული ქვეყნის ძლიერება და ერის გამრავლება.



დონის გაუმჯობესებისათვის“ ფარგლებში სოფელ ფიროსმანში, მრავალმხრივად დედებისთვის განხორციელდა სხვადასხვა აქტივობები, კერძოდ, სოციალურად დაუცველ 16 მრავალშვილიან ოჯახს გარგარის ბაღების გასაშენებლად გადაეცა 576 სერთიფიცირებული ნერგი (თითოეულს-36) და ადგილზე CENN-ის ექსპერტების მიერ ჩატარდა ტრენინგი გარგარის ბაღის გაშენება-მოვლის, ასევე, ბიოსასუფის-კომპოსტის დამზადების ტექნოლოგიების შესახებ და დაურიგდათ თემატური სახელმძღვანელოები. ფიროსმანის საჯარო სკოლის 6 მოსწავლე კი ბულაჩაურის „მწვანე ცენტრში“ მონაწილეობას იღებდა „ეკო-ბანაკის“ აქტივობებში, სტუმრობდნენ ბუნებრივი რესურსების და გარემოს დაცვის სამინისტროს, ბულაჩაურში მათთან შეხვედრაზე იმყოფებოდა სოზარ სუბარის საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრი, რომელმაც მოისმინა ფიროსმანელ ეკომიგრანტთა

ტარდა ამ პროექტის-რეგიონული შემაჯამებელი კონფერენცია, რომლის მუშაობაშიც მონაწილეობას იღებდნენ: პროექტში ჩართული მხარეების კოორდინატორები, ევროკავშირის, საქართველო-აზერბაიჯანი-სომხეთის შესაბამისი სამთავრობო უწყებების და სამიზნე დონორი და მიმღები რეგიონების წარმომადგენლები.

კონფერენციის მონაწილეებმა ისაუბრეს ამ პროექტის („ეკომიგრაცია-დიალოგი და თანამშრომლობა სამხრეთ კავკასიის ქვეყნებში სისტემური რეფორმისა და ცხოვრების დონის გაუმჯობესებისათვის“) მნიშვნელობაზე და სამთავრობო ინიციატივებზე.

უნდა აღინიშნოს, რომ მიუხედავად საკანონმდებლო ჩარჩოების არარსებობისა, საქართველოს მთავრობამ მიიღო გარკვეული, ძირითადი ზომები ბუნებრივი კატასტროფების შედეგად დაზარალებული პირების დაცვისა და დახმარების უზრუნველსაყოფად. 2013 წელს შემუშავდა ეკომიგრანტთა შესახებ საქართველოს კანონის პროექტი. მასში მოცემულია ეკო-

ნელს შეიქმნა „სტიქიური მოვლენების შედეგად დაზარალებული და გადაადგილებული დაქვემდებარებული ოჯახების განსახლების კოორდინაციის და მართვის ცენტრი“ (მინისტრის ბრძანება N 779). 2014 წელს კი სამინისტროში შეიქმნა ეკომიგრანტთა დეპარტამენტი (მინისტრის ბრძანება N 1206), რომელიც დაკომპლექტდა 12 თანამშრომლით და უკვე მეორე წელია, ზრუნავს სტიქიური მოვლენების შედეგად იძულებით გადაადგილებულ პირთა პრობლემებზე. ბრძანება N 779 აყალიბებს ეკომიგრანტების ალტერნატიული საცხოვრებელი უზრუნველყოფის ინსტიტუციურ და სამართლებრივ ჩარჩოებს, თუმცა, სახსრების სიმცირის გამო 2014 წელს ალტერნატიული საცხოვრებელი დაკმაყოფილდა 33 ოჯახი. 2015 წლისთვის ეკომიგრანტებისთვის სახლების შესაძენად გამოყოფილი ფინანსური რესურსები სამჯერ გაიზარდა. ეს არის ეტაპობრივი პროცესი და დაზარალების კატეგორიების შესაბამისად, ხდება ბენეფიციარების დაკმაყოფილება. უნდა აღინიშნოს,



ეკომიგრანტების ჩასახლებაში დაგეგმილი აქტივობები, რომლის ფარგლებშიც სოფელ სამთავროში მუნიციპალიტეტის გამგებლის თანამონაწილეობით, დაგეგმილია გარკვეულ მონაკვეთზე წყალგაყვანილობის შიდა ქსელის ანა ბენაშვილი, მუნიციპალიტეტის გამგებლის მთავარი სპეციალისტი საერთაშორისო ფონდებთან და არასამთავრობო ორგანიზაციებთან ურთიერთობის საკითხებში.

მიკრო და მცირე მენარემოების ხელშეწყობის პროგრამა საქართველოში

პროექტის –“ანარმეი სა-ქართველოში” ირგვლივ მო-სახლეობის ინტერესი სულ უფრო მზარდობს. გაზეთი “ში-რაქი” გთავაზობთ ინტერვიუს თბილისის ბიზნეს ტრენინგის ცენტრის დირექტორთან მა-ლხაზ შუბიტიძესთან:

-რა მდგომარეობაა ახალი სამუშაო ადგილების შექმნის კუთხით? მესმის, რომ ეს ძალიან მძიმე და მტკივნეული საკითხია...

-კახეთში, შიდა ქართლში და მცხეთა-მთიანეთში სულ შეიქმნა 928 ახალი სამუშაო ადგილი. აქედან კახეთში 357, შიდა ქართლში 360 და მცხეთა-მთიანეთში 211 ახალი სამუშაო ადგილი შეიქმნა.

-დაფინანსების თანხასთან ერთად კიდევ რაიმე სარგებელს თუ იღებენ ბენეფიციარები?

-დაფინანსების თანხასთან ერთად ჩვენი ბენეფიციარები იღებენ დამატებით სარგებელს. რომელიც გამოიხატება ტრენინგების მეშვეობით მათთვის ახალი ცოდნის გადაცემაში, პროფესიონალიზმის მიერ განხორციელებულ კონსალტინგში და ინდივიდუალურ კონსულტაციებში. დაფინანსებასთან ერთად ასეთი თანხმდები ინტელექტუალური მომსახურება მაღალ სინერგიულ ეფექტს

ბანაპირობას. **-ეკონომიკური საქმიანობების მიხედვით შეზღუდვები თუ არსებობს?**

-შეზღუდვა ეკონომიკური საქმიანობების მიხედვით არ არსებობს. პროგრამის მონაწილეები თავისუფლები არიან თავიანთ არჩე-ვანში.

მთავარი, გათი იღებ იყო დას-აბუთებულ, გააჩნდას ბან-ვიტიარეპის პირსპექტივა და ამ იღებს განხორციე-ლებისათვის არსებობდას შიდასამისი ბარემო პირო-ბები და რესურსები.

-რა შედეგებს უნდა ველო-დეთ მიმდინარე წლის განმავ-ლობაში?

- გასული წლის მსგავსად 2016 წლისათვის დაგეგმი-ლი გვაქვს 395 ბენეფიციარის დაფინანსება. კახეთში დაფი-ნანსდება არანაკლებ 165 ბენე-ფიციარი, შიდა ქართლში-145 და მცხეთა-მთიანეთში 85 ბე-ნეფიციარი. ადრე მიღწეული შედეგების გავითვალისწინებით შეიძლება ვივარაუდოთ, რომ

დაფინანსების მიღების შანსი დაგეგმილზე მეტ ბენეფიციარს ექნება.

-დაინტერესებულმა პირე-ბმა თქვენამდე ბიზნეს იდეის განაცხადები როგორ უნდა მოი-ტანონ?

- პროგრამაში მონაწილეო-

ფასება?

-თბილისის ბიზნეს ტრენინ-გის ცენტრში შემოსული ბიზ-ნეს იდეების შეფასება ხდება მენარემოების სააგენტოს მიერ დადგენილი, ჩვენთან შე-თანხმებული და შესაბამის ხელშეკრულებაში ასახული კრიტერიუმების შე-საბამისად. ჩვენ-თან იმენება კომპა-ტენტური კომისია, რომელიც ამ კრი-ტერიუმების შე-საბამისად ადგენს შეფასების ქულას. სწორედ დაბრუნული ქულას მიხედვით ხდება გამარჯვებუ-ლი ბიზნეს იდეის გამოვლენა.

-აგრძელებთ მოსახლეობას-თან შეხვედრებს თუ ეს ეტაპი უკვე დასრულებულია?

- მოგეხსენებათ, განაცხა-დების მიღების ვადა იწყებ-ბა 31 მარტს. შესაბამისად, მოსახლეობასთან და დაინ-ტერესებულ ჯგუფებთან შე-ხვედრები გრძელდება და ის დასრულდება მარტის ბოლოს. ჩვენც ამ თარიღის შემსა-ბამისად გვაქვს შედგენი-ლი ჩვენი საკომუნიკაციო ბრაფიკი. თბილისის ბიზნეს ტრენინგის ცენტრის თანამ-

შრომლები მოსახლეობასთან შეხვედრებს და პროგრამის პრაქტიკაშიც გამოართავენ კახეთის, შიდა ქართლის და მცხეთა-მთიანეთის ყველა მუნიციპალიტეტსა და სასო-ფლო თემში. წელს ბაცილი-ბით ძლიერ კონსერვაციას და მძიმ განაცხადებს ველოდებით ვიდრე ამას ადგილი ჰქონდა წინა ეტაპში.

-სად შეიძლება კონსულტა-ციების მიღება ბიზნეს იდეის ინ-ტერნეტში ატვირთვისთან დაკა-ვშირებით?

-კონსულტაციების მიღე-ბა ბიზნეს იდეის ინტერნეტში ატვირთვისთან დაკავშირებით შესაძლებელია ჩვენს ვებ-საიტზე, როგორც თბილისში ისე რეგიონებში. ასევე ცენ-ტრალიზებული სატელეფონო მომსახურების ნომერზე (032) 205-19-92. ჩვენი ოფისების მი-სამართლებია:


**თბილისი, ი.ჭავჭავაძის გა-მზირი, 10 ოფისი 38
თელავი, ი. ჭავჭავაძის ქუჩა 87**

სიღნაღი, დ. აღმაშენებლის მოედანი 2

გორი, სამეფო ქუჩა 27

დუშეთი, დ. აღმაშენებლის ქუჩა 44

ესაუბრა ინგა შიოლაშვილი



ბის მიღების მსურველმა პირე-ბმა განაცხადები უნდა შემოიტა-ნონ მხოლოდ ელექტრონული ფორმით ინტერნეტის მეშ-ვეობით. ამისათვის საჭიროა მენარემოების განვითარების სააგენტოს ოფიციალურ ვებ-გვერდზე qartuli.ge შესვლა, შე-საბამისი აპლიკაციის შევსება და გამოგზავნა. მხოლოდ ამის შემდეგ გვექნება ჩვენ წვდომა ბიზნეს იდეაზე და შევძლებთ მის შეფასებას.

-როგორ ხდება, თქვენს მიერ, მიღებული ბიზნეს იდეების შე-

რა ელემენტები ევროკავშირის ძველებში არალეგალურად მცხოვრებ ქართველებს უპირობო რეჟიმის პირობებში

9 მარტს ევროკომისიამ ოფიციალურ ვებ-გვერდზე ვი-ზალიზირებული საკითხზე ევროკავშირ-საქართველოს თა-ნამშრომლობის შესახებ ინფორ-მაცია გამოაქვეყნა. პრესრე-ლიზის თანახმად, მას შემდეგ, რაც ევროკავშირის საბჭო და ევროპარლამენტი აღნიშნულ საკანონმდებლო ინიციატივას დაამტკიცებენ, ბიომეტრიული პასპორტების მქონე საქართვე-ლოს მოქალაქეები შენგენის ზონის ქვეყნებში უვიზო მიმოს-ვლით 180 დღის განმავლობაში მასპინძალური, 90 დღის ვადით ისარგებლებენ.

უვიზო რეჟიმი გულისხმობს თავისუფალ გადაადგილებას შენგენის ზონის ტერიტორიაზე, რომელიც მოიცავს ევროკავში-რის 22 წევრ ქვეყანას, ევროკა-ვშირის 4 არაწევრ ქვეყანას და შენგენის 4 კანდიდატ ქვეყანას.

უვიზო რეჟიმის ამოქმედე-ბის შემდეგ ამოქმედდება თუ არა რაიმე განსაკუთრებული წესი საქართველოდან ევროკა-ვშირის წევრ ქვეყნებში არა-ლეგალურად წასული ქართვე-ლებისთვის. როგორც საგარეო საქმეთა სამინისტროში განგვი-მარტეს, არალეგალურად წასუ-ლი ქართველებისთვის განსაკუ-თრებული წესი არ ამოქმედდება და ასეთი პირების არალეგა-ლურად ყოფნის აღმოჩენის შე-მთხვევაში, ისინი გაძევებულ იქნებიან ქვეყნიდან და აკრძა-ლებათ შენგენის ტერიტორიაზე შესვლა უვიზო რეჟიმის მიუხე-დავად.

“უვიზო რეჟიმით სარგებლო-ბას შეძლებენ საქართველოს მოქალაქეები, რომლებიც ფლო-ბენ ბიომეტრიულ პასპორტს. უვიზო მიმოსვლის რეჟიმი გა-ვრცელდება მხოლოდ მოკლევა-

დიან ვიზიტებზე, რაც ნიშნავს იმას, რომ საქართველოს მოქა-ლაქეს უფლება ექნება დაჰყოს ევროკავშირის/შენგენის წევრი შესაბამისი ქვეყნის ტერიტო-რიაზე ნებისმიერი 180 დღის განმავლობაში არაუმეტეს 90 დღისა. 90-დღიან პერიოდში შე-საძლებელია მრავალჯერადი შესვლა ევროკა-ვშირის/შენგენის წევრი ქვეყნის ტერიტორიაზე, მაგრამ ვიზიტის ხანგრძლივობა არ უნდა აღემა-ტებოდეს ჯამში 90 დღეს უკანას-კნელი 180 დღის განმავლობაში. უვიზო მიმოს-ვლის რეჟიმი არ შეეხება გრძელ-ვადიან ვიზიტე-ბს, მაგალითად, უმაღლესი გა-ნათლების მიღე-ბის ან დასაქმე-ბის მიზნით.

ევროკავში-რის/შენგენის წევრი ქვეყნის ტერიტორია-ზე ხანგრძლი-ვი პერიოდით გამგზავრების სურვილის შე-მთხვევაში, ისე-ვამოქმედებს სა-ვიზო რეჟიმი და საქართველოს მოქალაქეებმა ვიზის მისაღებად უნდა მიმართონ საქართველო-ში აკრედიტებულ შესაბამისი ქვეყნის საკონსულოს. ევროკა-ვშირის/შენგენის წევრ ქვეყნებ-

ში ყოფნის 90 დღის (180 დღის განმავლობაში) ვადის გასვლა-მდე საქართველოს მოქალაქემ უნდა დატოვოს შენგენის ტე-რიტორია. ამ ქვეყნებში 90 დღე გადაბმულად ყოფნის შემთხ-

ვეშირის/შენგენის ტერიტორიაზე ყოფნა ჩაითვლება არალეგალურად. ასეთი პირი გაძევებული იქნება ქვეყნიდან და აკრძალე-ბა ევროკავშირის/შენგენის წე-ვრი ქვეყნის ტერიტორიაზე შეს-

ვო მიმოსვლის რეჟიმით ვერ ისარგებლებენ და მათზე არა-ვიტარი განსაკუთრებული წესი არ გავრცელდება. ასეთი პი-რების არალეგალურად ყოფნის აღმოჩენის შემთხვევაში, ისინი გაძევებულ იქნებიან ქვეყნიდან და აკრძალე-ბათ შენგენის ტე-რიტორიაზე შესვლა უვიზო მი-მოსვლის რეჟიმის მიუხედავად”, - განაცხადა საგარეო საქმეთა სამინისტროში.

ამასთან, იუსტიციის მინის-ტრი თეა ნულუკიანი უცხოეთ-ში არალეგალურად მცხოვრებ საქართველოს მოქალაქეებს ურჩევს, თუ შესაძლებელია თა-ვიანთი ვითარების დაკანონება მოახდინონ, თუ არა, მაშინ უვი-ზო მიმოსვლის ამოქმედების შემდეგ კანონიერად შევიდნენ ევროკავშირის ქვეყნებში. “ყვე-ლას შეგხვედრით ალბათ ჩვენი მოქალაქე, რომელიც არალეგა-ლურად ცხოვრობს ევროკავში-რის ქვეყანაში. ყოფილა ისეთი ტრაგიკული სიტუაცია, რო-დესაც იმის შიშით, რომ თუ საქართველოში დაბრუნდება, უკან ვეღარ შევა, საკუთარი ოჯახის წევრის გასვენებაშიც არ ჩამოსულა. პირველი ნაბიჯი იქნებოდა ის, რომ ალბათ იმ ქვეყანაში, სადაც ისინი არიან, სასწრაფოდ გადადგან ნაბი-ჯები და თავიანთი ვითარების დაკანონება მოახდინონ თუ ეს შესაძლებელია. თუ ეს შეუძლე-ბელია, მაშინ შეეცადონ, რომ უკვე როდესაც დადგება უვი-ზოდ მიმოსვლის დღე, ახალ პი-რობებში კანონიერად შევიდნენ ევროკავშირის ქვეყანაში. თუმ-ცა პრობლემა ის არის, რომ უვიზოდ მიმოსვლა არ ნიშნავს ევროკავშირის ქვეყანაში ცხო-ვრებას”, - განაცხადა ნულუ-კიანმა.



ვევაში ხელახლა გამგზავრება შესაძლებელი იქნება შენგენის ზონის დატოვებიდან 90 დღის გასვლის შემდეგ. 90-დღიანი ვადის გადაცი-ლების შემთხვევაში, ევროკა-

„წითური ბენერალი“ პანკისიდან კვლავ ცოცხალია?!

მსოფლიო მედია კიდეც ერთხელ წარს „ისლამური სახელმწიფოს“ ერთ-ერთი ლიდერის, წარმოშობით პანკისელი ტარისის, აბუ ომარ ალ-ჰიშანის, იგივე თარხან ბათირაშვილის სიკვდილის თაობაზე.

„როიტერის“ ინფორმაციით, აბუ ომარ ალ-ჰიშანის ლიკვიდაციისთვის, რომელსაც ISIS-ის ერთ-ერთ ყველაზე „ნიჭიერი მეთაურის“ რეპუტაცია ჰქონდა, საპერო ოპერაცია ჩატარდა. მათივე ცნობით, ბათირაშვილის ლიკვიდაციას პენტაგონიც ადასტურებს.

„მისი საბრძოლო სტრატეგიაში ჯერ კიდევ აუხსნელია პენტაგონისთვის, რომლის წარმომადგენლის პირადი კულის განცხადებით: „ომარი იყო საბრძოლოდან, რომლის საბრძოლო სტრატეგია, მისცა მას საშუალება „ისლამური სახელმწიფოს“ ერთ-ერთი წამყვანი ლიდერი ყოფილიყო“. კულის განცხადებით, ჰიშანის სიკვდილი, რომელიც მათი ცნობით, 8 მარტს მოხდა, მნიშვნელოვნად შეასუსტებს სირიაში ტარისის ტერორისტული ბანდის მართვას და „ისლამური სახელმწიფოს“ წარმომადგენლებს“. - ვაითხურობთ „როიტერის“ ინფორმაციით.

როგორც ცნობილია, ამერიკის სახელმწიფო დეპარტამენტს თარხან ბათირაშვილი ტერორისტების სიაში ჰყავდა

შეყვანილი. გასულ წელს კი, მის შესახებ ინფორმაციის საწინააღმდეგო, 5 მილიონი დოლარით დაანესეს.

პანკისელი თარხან ბათირაშვილის, იგივე ომარ ალ-ჰიშანის გარდაცვალების შესახებ ინფორმაცია ადრეც არაერთხელ გავრცელებულა. 2013 წელს ჟურნალმა მიაგროსებმა მსოფლიოს ამცნეს, „წითური შაითანი“ (ჟურნალი ასე უწოდებენ) ერთ-ერთ ბრძოლაში მოკლულ, თუმცა მტკიცებულებად არაფერი ჰქონდათ.

2014 წლის მაისში კვლავ ითქვა, ომარ ალ-ჰიშანი დაიღუპაო (მაშინ ავიაიერიშებს ალ-ბაღდადის ჩეჩენი სიძე და მისი მცველები ემსხვერპლნენ), მაგრამ ივნისში, როდესაც აბუ ბაქრ ალ-ბაღდადი ისლამური ხალიფატის შექმნის თაობაზე განცხადება გააკეთა, თარხან ბათირაშვილი ახალშექმნილი სახელმწიფოს თავდაცვის მინისტრად დაინიშნა სირიის ტერიტორიაზე და რამდენიმე წარმატებული ბრძოლის შემდეგ დევიზით, „მოვლათ ალაჰის სახელით“, ჯერ ირანს და შემდეგ რუსეთს დაემუქრა, ხოლო რამზან კადიროვის მოსაკლავად დაანსა. არც კადიროვის პასუხმა დააგვიანა - ომარ ალ-ჰიშანს შეუთვალა, - რა ადგილზეც ეგ განცხადება გააკეთე, იქ მოგკლავო. კადიროვი-ბათირაშვილის უთანხმოება მსოფლიო იდეოლოგიური ხასიათისა



არ ყოფილა. ჩინეთის ემიგრაციის სამსახურის უფროსის, ასევე ლურჯკაპების ძალიერი სედა ცოლად გაჰყვა სირიაში მიგრირებული წარმოშობით ქისტს, ჰამზათ ბორჩაშვილს კადიროვის შინაგარეშე დაბრუნება მოსთხოვა. სედა (სირიაში - ანუ) შინ დაბრუნებაზე უარი თქვა. კადიროვმა სიძის დედას პანკისის ხეობაში ხალხი მიუზღავნა - თუ შვილის სიცოცხლე გინდა, გოგო უნდა დააბრუნო. გამარჯვებულმა ქალმა სირიაში ჩააქიშა შვილი. რძალი გაჯიუტდა - ჩემი ადგილი აქ არის, აქ ვაპირებ ცხოვრებას. კადიროვმა ლურჯკაპები თანამდებობიდან გადააყენა, ორი თვის შემდეგ სედა სირიაში ქმარს მოუკლეს (ის ბათირაშვილის თარხანის იყო).

დედამთილმა კვლავ შესთავაზა რძალს დაბრუნება. უარი მიიღო. სედა ომარ ალ-ჰიშანის მიერ აშენებულ თავშესაფარში გადავიდა, სადაც შაჰიდების ოჯახები ცხოვრობდნენ, სამი თვის შემდეგ კი ცოლად ომარ ალ-ჰიშანმა მოიყვანა

(წესის მიხედვით, შაჰიდის ქვრივის ცოლად მოყვანა დიდ კეთილშობილებად ითვლება).

2014 წლის 9 სექტემბერს აშშ-ის ავიაიერიშს ქალაქ მოსულზე „ისლამური სახელმწიფოს“ რამდენიმე ლიდერი შეენირა, მაშინ არაფერი თქმულა ომარ ალ-ჰიშანზე, რომელიც იმ დროს მოსულში უნდა ყოფილიყო. პანკისში ამბობდნენ, თარხანი კარგად არის.

მოგვიანებით თვითონ რამზან კადიროვმა გაავრცელა ინფორმაცია თარხან ბათირაშვილის სიკვდილის შესახებ. „ისლამის მტერი თარხან ბათირაშვილი, რომელიც თავს ომარ ალ-ჰიშანს უწოდებდა, გკვდარი. ეს ელოდება ყველას, ვინც რუსეთსა და ჩინეთს ხალხს დაეშურება, ვინც მუსლიმანების სისხლს დაღვრის... ალაჰი მოწყალება“ - წერდა ჩინეთის ლიდერი „ინსტაგრამზე“, თუმცა გარკვეულ ბაიკებზე, რომ „წითური შაითანი“ ისევ ცოცხალი იყო.

თარხან ბათირაშვილი პანკისის ხეობიდან არის. მისი ოჯახის წევრები დღესაც იქ, სოფელ

ბირკიანში ცხოვრობენ. მამა ქრისტიანი ჰყავს... თარხანი ისევე, როგორც ხეობის ბევრი სხვა ახალგაზრდა, დუხტირეში გაიზარდა... მოგვიანებით გადაწყვიტა სამხედრო საქმის შესწავლა და ამისთვის ქართულ არმიაშიც მსახურობდა. მონაწილეობა აქვს მიღებული აგვისტოს ომშიც... რომორც სამხედრო წრეებში აცხადებენ, შიშობდა წარმატებული კარიერა ჰქონოდა, რომ ერთ დღეს, ჯანმრთელობის მდგომარეობის გაუარესების გამო (როგორც აგროვან, ტუპაქოვოლონი ალმოანდა) ჯარიდან არ დაეთხოვათ. მეტიც, 2010 წელს ის დააკავეს ირანის უსაფრთხოება-ტარებისთვის. ციხეში ორი წელი გაატარა, გათავისუფლების შემდეგ კარგა ხანს უშუშვრად იყო, შემდეგ კი ე.წ. „კავკასიის ემიგრაციის“ მიგრირებას შეუერთდა და დოკუ უმაროვის მოწოდებით ალმოანდა სირიაში, ამბობებულების მხარეს, თარხან ბათირაშვილის კი არა, უკვე აბუ ომარ ალ-ჩეჩენის სახელით (არაბულად შიშანი).



მონატრება



40 დღე გადის იმ ტკივილიანი დღიდან, რაც ამქვეყნიური ცხოვრება დატოვე, ჩვენო ირმა. სულ რაღაც 38 წლის მანძილზე, ცხოვრების ბევრი უსამართლობა საკუთარ თავზე გადაიტანე-შენი სილამაზე შენივე მტერი აღმოჩნდა... ძალადობრივი გზით შექმ-

ირმა ჩიტაური

ნილი ოჯახი მალევე დაინგრა და ერთადერთი შვილით ხელში დარჩი. გოგონას ბევრი რამ სჭირდებოდა, ამიტომ ეკონომიური პრობლემების მოსაგვარებლად საბერძნეთში წახვედი... რამდენიმე წლის შემდეგ შენი ცხოვრება უკეთესობისკენ შეიცვალა-იქ მოსიყვარულე მამაკაცს შეხვედი, რომელმაც შენი გარეგნობაც დააფასა და პიროვნული თვისებებიც, მაგრამ, სამწუხაროდ შენი ბედნიერება ხანმოკლე აღმოჩნდა- უკურნებელმა სენმა მოგისწრაფა სიცოცხლე. დააობლა შენი ანა და შვილიშვილი ლუკა, საშინლად ატკინა გული მშობლებს, დედამიშვილებს. შენმა ბერძენმა მეუღლემ ვერ გაგიმეტა განჩი. შორებისთვის და სამუდამო განსასვენებელი საბერძნეთში დაიდე. 15 მარტს 40 ტკივილიანი დღე გადის შენი გარდაცვალებიდან, ირმა. დრო ვერ აამებს საყვარელი ადამიანის დაკარგვით გამოწვეულ ტკივილს, სულ უფრო მძაფრი ხდება მონატრების გრძნობა... ამ დღეს დავანთებ თანთელს და შენს სულს შევავადრებთ უფალს, რათა სასუფიველი დაგიმკვიდროს. მშობლები: ბურამი და ციური, ძმა გიბა, და ფიქრინა ჩიტაურები ოჯახიდან.

მაია ბოსტაშვილი

მაგიდაზე, შენი სურათების წინ დანთებულ სანთლების ციმციმს, შენთან ვატან მონატრებას, სიყვარულს, ცრემლიანი თვალებით გეუბნები ამას შენი უბედური დედა. გილოცავ დაბადების 43 წლისთავს იმქვეყნად, ზეცაში, შვილო. მოდი ჩემთვის 22 მარტი ცრემლით და მწუხარებით სავსე. უიღბლოდ ნავიდა შენი ცხოვრება. დაუნდობელი ყოფილა ბედისწერა. მძიმე სენით შეპყრობილმა დატოვე ქმარ-შვილი, შვილიშვილი, რძალი. შენ უკვე მეორე შვილიშვილის ბებია გახდი, შენი მოსახელე პატარა „მაიკო“



მოვალე ვეყოფა, შენს საფლავთან დაგეგმვება მსოფლიო ცივი თვალები. შენგან მონატრებული დედა ლილი, შვილები, ვანიკო, ნიკა, შვილიშვილი მარი, ძმა სოსო, და თამილა - პატარა მაია ბოსტოლანაშვილები. „ღარდით შემოვა ოს ეს მარტი, საფლავს დაბურუნ ცივი ქარები“

ივანე კეზუას პერსონალური გამოფენა

მიუხედავად მძიმე ყოველდღიურობისა, ქართველ მოღვაწეთა შორის დღესაც საკმაოდ არიან ახალგაზრდა ხელოვნები, რომელთა შემოქმედება აღსავსეა ხალასი ნიჭით

თანამედროვე ქართველ შემოქმედთა შორის ერთ-ერთ თვალსაჩინო წარმომადგენელია მხატვარი ივანე კეზუა. მისი ნამუშევრები ნათელი, ალალი და გულითადაც, სწორედ ისეთი, როგორც მისი ოჯახის გარემო. იგი ჩვენი თანამემამულის ცნობილი პოეტის მაცვალა გონაშვილის და მერაბ კეზუას შვილია.

ამ დღეში მწერალთა სახლში გაიმართა ივანე კეზუას პერსონალური გამოფენა, რომელიც გახსნა სტუდენტმა, ასევე ჩვენმა თანამემამულემ უმშვენიერესმა ნატალი გონაშვილმა. იგი უმაღლეს განათლებას ეუფლება ამერიკაში, კერძოდ

ნიუ-იორკში. მან მხატვრის მინი დოსიე გააცნო დამსწრე საზოგადოებას, რომელთა უმრავლესობას ახალგაზრდები, გამოჩენილი მხატვრები, მწერლები, ოჯახის წევრები, ახლობლები, ნათესავები და მეგობრები წარმოადგენდნენ.

ახალგაზრდა მხატვრის შემოქმედება მრავალფეროვანი თემატიკით გამოირჩეოდა; დედაქალაქის ხედები, პეიზაჟები, პორტრეტები, მათ შორის მხატვარ გივი თოიძის მსახიობ გივი ბერიკაშვილის, მთარგმნელის გივი შახნაზარის და სხვა ფერწერული ტილოები დამთვალიერებელზე დიდ შთაბეჭდილებას ტოვებდა.

ივანე კეზუას შემოქმედებაზე ისაუბრეს და გაიხსენეს მისი ბავშვობის წლები მხატვარმა გივი თოიძემ, საქართველოს მწერალთა კავშირის თავჯდომარემ რევაზ მიშველაძემ,

პოეტმა მზია ხეთაგურიმ, საბურთალოს მწერალთა და საოგადო მოღვაწეთა პანთეონის დირექტორმა ბადრი ქუთათელაძემ, ილია ჭავჭავაძის სახელობის დედოფლისწყაროს მნიგნობართა ასოციაციის თავჯდომარის მოადგილემ ნანა ჭიჭინაძემ და სხვებმა. მათ მხატვარს მიულოცეს მორიგი პერსონალური გამოფენის გახსნა და შემოქმედებითი წარმატებები უსურვეს ხელოვნების დიდ გზაზე.

ახალგაზრდა პოეტებმა ოთო ფალიანმა და ნიკა ქვრივიშვილმა საკუთარი ლექსები მიუძღვნეს მხატვარს. გამოფენას დიდ ხიბლს მატებდა მუსიკალური ფონი-პაატა დეისაძის მიერ ცნობილი კომპოზიტორების საფორტეპიანო ნაწარმოებების შესრულებით.

მარიკა ჰოპიაშვილი



„გაზაფხული შემოსულა, ლენ!“



დედოფლისწყაროს რაიონის, სოფელ ხორნაბუჯის ტერიტორიაზე მდებარე ხალხთა მეგობრობის მუზეუმში 5 მარტს გაიხსნა გამოფენა-გაყიდვა სათაურით: „გაზაფხული შემოსულა, ლენ!“ გამოფენის გახსნას დაესწრნენ: საქართველოს სამოქალაქო განვითარების ასოციაციის პროექტის: „ქალთა გაძღვრება ცვლილებებისთვის“ წარმომადგენლები. გამოფენა გასტანს ორი კვირის განმავლობაში, მსურველებს შეგიძლიათ მოხმადეთ 11 საათიდან 16 საათამდე, ყოველდღე, კვირა-ორშაბათის გარდა. გამოფენები განახლდება ყოველ ორ კვირაში 18 მაისამდე, მუზეუმის

საერთაშორისო დღემდე და დასრულდება დასკვნითი ღონისძიებით. პირველი გამოფენის მონაწილეები არიან: ალუ-ლიშვილი შორენა, ლომაშვილი ლილი. ბურდული ნინო, ვალუისკაია ვალენტი-ნა, კვანჭიანი ნინო. დაწვრილებით ცნობებს შემდეგ წერილებში მოგანვდით, ჩვენ ყურადღებას ვამახვილებთ სხვადასხვა ეროვნების წარმომადგენლების კულტურაზე, მათი ნამუშევრების წარმოჩენაზე. მსურველები შეგვეხმიანეთ, თან წამოიღეთ ერთ-ერთი ნიმუში თქვენი შემოქმედებიდან, გპირდებით თანადგომას.

ქეთევან მჭედლიშვილი, ხალხთა-მეგობრობის მუზეუმის დირექტორი. ტელ: 551-45-25-20; 577-384-130.



ულოცავენ!
ბულო გელაშვილს!

ჩემო მეგობარო გულო, შორიდან და ცივი ქვეყნიდან, მაგრამ თბილი გულით გილოცავ დაბადების დღეს. გისურვებ ჯანმრთელობას, უღრეს სიხარულს შენს ოჯახთან ერთად და მეგობარ „მედიდულოთან“ ერთად. შენ გაზაფხულზე დაიბადე, ალბათ, ამიტომ გაზაფხულის სითბო და სურნელი მოუტანე მეგობარ „მედიდულს“ და დარჩი მუდმივ გაზაფხულად.

შორი მანძილი ჩვენ არ გვაშორებს და ვერც მოსკოვის თოვლი და უინჯა თითებზე ვითვლი ჩამოსვლის დღეებს და უხებურად თქვენთან მომინდა.

ქ. მოსკოვი

ქეთევან ოზაბთილაშვილი

სიასლე დედოფლისწყაროში

ქირავდება!

ქირავდება ქ. დედოფლისწყაროში, რუსთაველის ქ. 32-ში მდებარე მაღაზია. ფასი შეთანხმებით. მაღაზია აღჭურვილია სათანადო მაცივარ-დანადგარებით.

მსურველები დაგვიკავშირდით:
☎ 599 217804 - ნუგზარი.

ორშაბათი 14.03 დღე-ღამე ☁️ ☁️ 7° - 6°	სამშაბათი 15.03 დღე-ღამე ☁️ ☁️ 5° - 4°	ოთხშაბათი 16.03 დღე-ღამე ☀️ ☁️ 1° - 1°	ხუთშაბათი 17.03 დღე-ღამე ☀️ ☁️ 0° - 3°	პარასკევი 18.03 დღე-ღამე ☀️ ☁️ 3° - 1°	შაბათი 19.03 დღე-ღამე ☀️ ☁️ 4° - 2°	კვირა 20.03 დღე-ღამე ☁️ ☁️ 4° - 2°
--	---	---	---	---	--	---